

Papsturkunden in Frankreich. Band 5: Touraine, Anjou, Maine und Bretagne., Nr. 100

ADRIANVS EPISCOPVS SERVVS SERVORVM DEI. DILECTIS FILIIS PHILIPPO ABBATI MONASTERII SANCTI FLORENTII, QVOD SITVM EST IVXTA CASTRVM SALMVRI, EIVSQVE FRATRIBVS TAM PRESENTIBVS QVAM FVTVRIS REGVLAREM VITAM PROFESSIS IN PERPETVVM. Piae postulatio uoluntatis effectus debet prosequente compleri, ut et deuotionis sinceritas laudabiliter enitescat et utilitas postulata uires indubitanter assumat. Eapropter, dilecti in domino filii, uestris iustis petitionibus clementer annuimus et prefatum monasterium, in quo diuino mancipati estis obsequio, sub beati Petri et nostra protectione suscipimus et ad exemplar predecessorum nostrorum felicitis memoriae IOANNIS, CALIXTI, INNOCENTII et EVGENII Romanorum pontificum presentis scripti priuilegio communimus.

ecclesiam sancti Gundulfi cum ecclesia de Columbibus et aliis pertinentiis suis. Quam nimirum ecclesiam sancti Gundulfi, cum post possessionem diutinam et confirmationem antecessorum nostrorum dilectus filius noster Rainaldus Virgionensis abbas querimoniam uobis inde mouisset et sufficienter sub cognitione nostra fuisset controuersia uentilata, iudicio nostro et fratrum nostrorum obtinuistis. Ad hec predicti antecessoris nostri pape Innocentii uestigiis inherentes sententiam illam, quam bone memorie Girardus et Guido quondam presbyteri cardinales inter Matheum antecessorem tuum et Wilielmum tunc Xantonensem episcopum super duabus ecclesiis sitis in castro de Ponte, uidelicet sancti Saluatoris et sancti Viuian[i] protulisse noscuntur, auctoritate apostolica confirmamus et presentis scripti pat[ro]cinio communimus. Predictus siquidem antecessor tuus et monasterium sancti Flore[n]t[i]i easdem ecclesias per multa tempora possedissee et quendam Constantinum atque alium quendam Barbinum eas per abbates et monachos Salmurenses diutius tenuisse dicebat atque monasterium sancti Florentii exinde querebatur a iamdicto episcopo sine iudicio spoliatum. Quibus nimirum ita propositis et predictis cardinalibus probationem huius rei querentibus idem antecessor tuus duos legitimos testes, Steph(anum) scilicet Rupensem et Gualfridum de Castello produxit in medium, qui, sicut propositum fuerat, Salmurense monasterium easdem ecclesias possedissee tactis sacrosanctis euangeliiis iurauerunt. Vnde sepedictus antecessor noster communicato fratrum consilio antefatum antecessorem tuum et fratres suos possessores constituit et de ipsis ecclesiis pariter inuestiuit, saluo quidem iure parrochiali atque proprietatis, ita scilicet, ut, si aliquando Xantonensis episcopus inde agere uellet, in presentia Romani pontificis uel legati ab eius latere destinati eadem actio tractaretur. Obeunte uero te ... Ordinationes quoque ... Ad hec adicientes ... Nec episcopis ... Sane de presbyteris ... Prohibemus etiam ... Decernimus ergo etc., salua nimirum sedis apostolice auctoritate et diocesanorum episcoporum canonica iustitia. Si qua igitur etc. Cunctis autem etc. AMEN. AMEN. AMEN.

R. Ego Adrianus catholice ecclesiae episcopus ss. BV.

Ego Hymarus Tuscul(anus) episcopus ss.

Ego Cencius Portuensis et sancte Rufinae episcopus ss.

Ego Gregorius Sabin(en)sis episcopus ss.

Ego Hvbaldu(s) presb. card. tit. sancte Praxedis ss.

Ego Manfredus presb. card. tit. sancte Sauine ss.

Ego Iulius presb. card. tit. sancti Marcelli ss.

Ego Hunbaldus presb. card. tit. sancte Crucis in Ierusalem ss.

Ego Henricus presb. card. tit. sanctorum Nerei et Achillei ss.

Ego Odo diac. card. sancti Georgii ad uelum aureum ss.

Ego Radulfus diac. card. sancte Lucie in Septasolis ss.

Ego Guido diac. card. sancte Marie in porticu ss.

Ego Iacintus diac. card. sancte Marie in Cosmydyn ss.

Ego Iohannes diac. card. sanctorum Sergii et Bachi ss.

Ego Odo diac. card. sancti Nicholai in carcere Tulliano ss.

Dat. Lat. per manum Rolandi sancto Romano ecclesio presbiteri cardinalis et cancellarii
VIII id. februarii, indictione V, incarnationis dominicae anno Mo. Co. Lo. VIo, pontificatus
uero domni Adriani pape quarti anno tertio.